



ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ

№ 06 Б А С П А С Ө З Р Е Л И З І
2008 ЖЫЛҒЫ 19 АҚПАН

Халықаралық резервтер және
ақша базасы туралы

1. Халықаралық резервтер және ақша базасы. Қазақстан Республикасы Ұлттық Банкінің халықаралық резервтері (Ұлттық Қордың ақшасын ескермей) және ақша базасы 2008 жылғы 15 ақпанда мынадай болды:

	Ағымдағы бағамен	Тұрақты бағамен ¹
Таза халықаралық резервтер, млн.долл.	18 656,6	18 477,4
оның ішінде:		
ЕАВ таза активтер ²	16 674,1	16 674,1
Алтын	1 982,5	1 803,3
Ақша базасы, млрд. теңге	1 507,3	1 507,3
Аз ақша базасы ³ , млрд. теңге	1 465,7	1 465,7
ҚРҰБ-дегі ЕДБ-дің мерзімді депозиттері ⁴ , млрд. теңге	41,6	41,6
KZT/USD (кезең аяғында)	120,15	120,30
Алтынның бағасы (1 трой унциясы үшін USD-мен)	910,85	828,50

1 2007 жылдың аяғындағы теңгенің АҚШ долларына бағамы және алтынның бағасы көрсетілген.

2 ЕАВ-мен таза активтер – бұл ЕАВ-ғы жалпы активтер мен міндеттемелер арасындағы айырмашылық

3 Аз ақша базасы – ҚРҰБ-дегі ЕДБ-дің мерзімді депозиттері ескерілмеген ақша базасы

4 ЕДБ – екінші деңгейдегі банктер

2008 жылғы ақпанның бірінші жартысында Ұлттық Банктің халықаралық резервтері төмендеді. Ағымдағы бағамен Ұлттық Банктің таза халықаралық резервтері 2,6% немесе 498,5 млн. долл. азайды.

Ішкі валюта нарығында валюта сатып алу және Ұлттық Банктегі Үкіметтің шоттарына валютаның түсуі екінші деңгейдегі банктердің Ұлттық Банктегі шетел валютасындағы корреспонденттік шоттарындағы қалдықтарының төмендеуімен және Ұлттық Банктің Қаржы министрлігінің сыртқы борышына қызмет көрсету операцияларымен бейтараптандырылды. Нәтижесінде, таза валюта қорлары (ЕАВ) оның әлемдік нарықтарда бағасының 1,4% төмендеуі нәтижесінде 470,5 млн. долл., алтынмен активтер - 28,0 млн. долл. төмендеді.

Тұрақты бағамен Ұлттық Банктің таза халықаралық резервтері 2,5%, ЕАВ-дағы таза активтер - 2,7% төмендеді, алтынмен активтер тұрақты деңгейде қалды.

Елдің халықаралық резервтері тұтастай алғанда (ағымдағы бағамен), Ұлттық қордың ақшасын (алдын ала деректер бойынша 21 686,1 млн. долл.) қоса алғанда 0,9% төмендеді және 40 348,7 млн. долл. болды.

Ұлттық Банктің таза халықаралық резервтерінің төмендеуі 2008 жылғы ақпанның бірінші жартысында ақша базасының 0,1% немесе 2,2 млрд. теңгеге тарылуына себепші болды.